

73. 1518 Januar 2, Rom

https://www.monasterium.net/mom/IlluminierteUrkunden/1518-01-02_Nuernberg/charter

1518-01-02, Rom

Kardinalsammelindulgenz (5 Aussteller) für die in der Diözese Bamberg gelegene Pfarrkirche St. Lorenz in Nürnberg.

Transkription

R A P H A E L

Ostiensis et Dominicus Portuensis Episcopi Leonardus tituli sancti Petri ad Vincula Petrus tituli sancti Eusebii et Laurentius tituli sanctorum Quatuor Coronatorum Presbyteri miseratione divina sacrosancte Romane ecclesie Cardinales. Universis et singulis christifidelibus presentes litteras inspecturis Salutem in domino sempiternam. Quanto frequentius fidelium mentes ad opera caritatis inducimus tanto salubrius animarum suarum saluti consulimus. Cupientes igitur ut parrochialis ecclesia sancti Laurentii sita in opido Nuremperg Bambergensis diocesis ad quam sicut accepimus dilecti nobis in christo discretus vir Federicus Schmansser laicus et Catherina eius uxor omnesque eorum consanguinei singularem gerunt devotionem congruis frequentetur honoribus et a christifidelibus iugiter veneretur ac in suis structuris et edificiis debite reparetur conservetur et manuteneatur necnon libris calicibus luminaribus ornamentis ecclesiasticis ac rebus aliis divino cultui inibi necessariis decenter muniatur utque christifideles ipsi eo libentius devotionis causa confluant ad eandem et ad reparationem conservationem manutentionem ac munitionem huiusmodi manus promptius porrigant adiutrices quo ex hoc ibidem dono celestis gratie uberius conspexerint se refectos Nos Cardinales prefati videlicet quilibet nostrum per se supplicationibus Federici et Catherine ac eorum Consanguineorum predictorum nobis super hoc humiliter porrectis inclinati De omnipotentis dei misericordia ac beatorum Petri et Pauli Apostolorum eius auctoritate confisi

Omnibus et singulis utriusque sexus christifidelibus vere penitentibus et confessis qui dictam ecclesiam in qua ut etiam accepimus quoddam anniversarium per dictos supplicantes seu eorem parentes et quod pro fidelium defunctorum animarum salute Feria Secunda post primam dominicam post Rogationes singulis annis celebratur fundatum existit in singulis videlicet in dicta Secunda Feria ac Quatuor Dominicis aureis nuncupatis videlicet post Quatuor tempora anni immediate sequentibus a Primis Vesperis usque ad Secundas Vesperas inclusive devote visitaverint annuatim et celebrationi dicti anniversarii dicta Secunda Feria interfuerint ac ad premissa manus porrexerint adiutrices necnon semel orationem dominicam cum salutatione angelica pro Frederico et Catharina ac Consanguineorum predictorum postquam ab hac luce migraverint eorumque ac aliorum fidelium defunctorum animarum salute devote recitaverint pro singulis dominicis et feria predictis quibus id fecerint Centum dies de iniunctis eis penitentiis misericorditer in domino relaxamus. Presentibus perpetuis futuris temporibus duraturis. In quorum fidem litteras nostras huiusmodi fieri nostrorumque sigillorum iussimus appensione communiri. Datum Rome in domibus nostris Anno a Nativitate Domini Millesimo quingentesimo decimo octavo die vero Secunda mensis Januarii Pontificatus sanctissimi in christo patris patris et domini nostri domini Leonis divina providentia pape Decimi Anno Quinto.

Jan(uarii) / Residuum gratis intuitu procurat(oris) / Jo. de Cingu(lo)
quindecim ra(sure) [?] / Ga. Hom [...?]

Skriptorenvermerk: **V. de Valleoleti.**

1)

R A P H A E L

2)

Ostiensis et Dominicus Portuensis Episcopi Leonardus tituli
sancti Petri ad Vincula Petrus tituli sancti Eusebii

3)

et Laurentius tituli sanctorum Quatuor Coronatorum Presbyteri
miseratione divina sacrosancte Romane ecclesie Cardinales.

4)

Universis et singulis christifidelibus presentes litteras inspecturis
Salutem in domino sempiternam. Quanto frequentius

5)

fidelium mentes ad opera caritatis inducimus tanto salubrius
animarum suarum saluti consulimus. Cupientes igitur

6)

ut parrochialis ecclesia sancti Laurentii sita in opido Nuremberg
Bambergensis diocesis ad quam sicut accepimus

7)

dilecti nobis in christo discretus vir Federicus Schmansser
laicus et Catherina eius uxor omnesque eorum consan-

8)

guinei singularem gerunt devotionem congruis frequentetur
honoribus et a christifidelibus iugiter veneretur ac

9)

in suis structuris et edificiis debite reparetur conservetur et
manuteneatur necnon libris calicibus luminaribus

10)

ornamentis ecclesiasticis ac rebus aliis divino cultui inibi
necessariis decenter muniatur utque christifideles ipsi eo li-

11)

bentius devotionis causa confluant ad eandem et ad reparationem conservationem manutentionem ac munitionem

12)

huiusmodi manus promptius porrigant adiutrices quo ex hoc ibidem dono celestis gratie uberius conspexerint se

13)

refectos Nos Cardinales prefati videlicet quilibet nostrum per se supplicationibus Federici et Catherine ac

14)

eorum Consanguineorum predictorum nobis super hoc humiliter porrectis inclinati De omnipotentis dei misericordia ac beatorum

15)

Petri et Pauli Apostolorum eius auctoritate confisi Omnibus et singulis utriusque sexus christifidelibus vere penitentibus

16)

et confessis qui dictam ecclesiam in qua ut etiam accepimus quoddam anniversarium per dictos supplicantes seu eorem paren-

17)

tes et quod pro fidelium defunctorum animarum salute Feria Secunda post primam dominicam post Rogationes singulis

18)

annis celebratur fundatum existit in singulis videlicet in dicta Secunda Feria ac Quatuor Dominicis

19)

aureis nuncupatis videlicet post Quatuor tempora anni immediate sequentibus a Primis Vesperis usque ad Secundas

20)

Vesperas inclusive devote visitaverint annuatim et celebrationi dicti anniversarii dicta Secunda Feria interfuerint.

21)

ac ad premissa manus porrexerint adiutrices necnon semel orationem dominicam cum salutatione angelica pro Frederico

22)

et Catharina ac Consanguineorum predictorum postquam ab hac luce migraverint eorumque ac aliorum fidelium defunctorum animarum salute

23)

devote recitaverint pro singulis dominicis et feria predictis quibus id fecerint Centum dies de iniunctis eis penitentiis

24)

misericorditer in domino relaxamus. Presentibus perpetuis futuris temporibus duraturis. In quorum fidem litteras nostras huiusmodi fieri nostrorumque sigillorum iussimus

25)

appensione communiri. Datum Rome in domibus nostris Anno a Nativitate Domini Millesimoquingentesimo decimo octavo die vero Secunda

26)

mensis Januarii Pontificatus sanctissimi in christo patris patris et domini nostri domini Leonis divina providentia pape Decimi Anno Quinto.

Jan(uarii) / Residuum gratis intuitu procurat(oris) / Jo. de Cingu(lo) quindecim ra(sure) [?] / Ga. Hom [...?]

Skriptorenvermerk: **V. de Valleoleti.**